

HERRI PROGRAMA

2019 - 2023



ehbildu

Para mejorar
SANTURTZI
hobetzeko

GOBERNU LEHEN 100 EGUNETAN HARTZEKO NEURRIAK

- Liberatutako zinegotzien eta alkatearen soldaten murrizketa.
- Liberatu gabeko zinegotzien dieten murrizketa.
- Osoko bilkurak eta sail bakoitzeko komisio informatiboak arratsaldez.
- Kontu ematea: txandakako dinamika auzo guztietan, alkatearen eta zinegotzien agerpenekin, kontu emateko.
- “Auzoko zinegotziak” sortu. Auzo bakoitzak bere zinegotzia izango du, edozein arazo edo gestiorako erreferentea izango dena.
- Enplegu poltsa sortu, Udalak azpikontrataturako enpresek behar dituzten lanpostuak betetzeko.
- Udaleko Berdintasun teknikariaren lanpostua bete.
- Egungo berdegune eta aisialdi guneen azterketa egin, biztanleen erabiltze eta gozamenerako izan daitezten, eta ez apaingarri hutsak (olatuen parkearen antzera)

PROIEKTU NAGUSIAK

- **SANTURTZIBUS:** udal autobus zerbitzua martxan jarri, auzoak elkarren artean eta erdigunearekin lotzeko. Horrez gain, zerbitzu hau urrun dauden baina oso garrantzitsuak diren lekuetara iritsiko litzateke, hala nola nagusien egoitza, Kueto eskolagunea, Balparda auzoa...
- **PORTUKO PROIEKTUA:** Arraun pabilioiaren ondoko pabiloi zonaldea badago Udalari emana. Bere demolizioa eta funtzio anitzeko edifizioa eraikitzea proposatzen dugu : Liburutegia, Emakumeen Etxea, Gaztegunea, Kultur etxe... estalitako frontoiaz gain.
- **ETXEBIZITZA:** Alokairu sozialaren aldeko apostu argia: udalaren etxebizitza kopurua igo, arautegia aldatu benetan alokairu soziala izan dadin, udalaren etxebizitzen %40 gazteen emantzipazioarako gorde.
- **HAUR ESKOLAK:** Haur eskola publiko gehiago sortu: Erdigunerako La Portaladan eta San Juan-Mamariga-CLHrako Reagalesen.

SANTURTZI ETA BERE AUZOETARAKO PROIEKTUAK

- Errefortzua gure kaleetako eta hiri altzarien garbiketan, zaintzan eta mantenuan, bereziki auzoetakoetan. Kontzientziazio kanpainak martxan jarri (ez zikintzea, berziklatzea, txakurren gorotzen jasotzea...).
- GAZTEGUNEA. Jende gaztearentzako lokala sortu; aisialdia, kirola, formakuntza, informazioa, dinamizazioa... portuan, funtzio anitzeko eraikin batean.
- UMEEN AISIALDI ESTALIA: Auzo bakoitzean umeen aisialdirako zonalde estali bat izateko plana. Egokienak zeintzuk izan daitezkeen aztertze eta mailaka egiteko konpromisoa.
- HAZ: leihatila bakarreko lokalak sortu Kabiezes eta Mamarigan, Udaletxera joan beharrik gabe tramite guztiak burutu ahal izateko.

ERDIGUNEA – SANTURTZI

- Frontoia, rokodomoa, Emakumeen Etxea, Gaztegunea eta Kultur Etxea arrantza portuko lehengo pabilioietan, horretarako funtzio anitzeko eraikina eginez.
- Zierbenarako paseoa: Hiri altzarien eta atsedean, babes eta gerizpe guneen hobekuntza orokorra.
- Haur-eskola (0-3) berria sortzea, "La Portalada" zonaldean.
- Bidegorri: Santurtzitik Zierbenarako bidean tarte berria sortu (lanean)
- Bidegorri: Arena hondartzaraino doan bidegorriarekin lotura (lanean)
- Herrian sartu eta irteteko bidea portutik, ibilgailuei irekia, Santurtzi-Zierbena errepidean kamioi kopurua murrizteko.

KABIEZES

- Frontoia estalia polikiroldegi inguruan, Ranzari parkean edo lehengo ur-andelaren inguruan (Mendi Alde).
- Azaleko aparkalekua – Ranzari zonaldean: Doako aparkamendua auzokideentzat.
- Mendi Alde kalea: Eskuhartze sozio-hezitzailea, kaleen garbiketan indartzea, lehengo biltegiari irtenbidea...
- Errotonda proiektua: Auzoarentzat espazio berria sortu errotondaren gainean (1200 m²), Kabiezes bi zatitan banatuta egoteari amaiera emanaz.

SAN JUAN

- Gune babestua sortu auzoan (auzoko plazan estalkia)

- Eskolak: Kultura, kirol eta osasungintzarako erabilera anitzeko eraikina: instalazioen berrikuntza, bai kirolekoenak bai eraikinarenak. Proposamenak bere baitan auzorako haur eskola har lezake, erabilera kultural eta sozialerako beste solairu bat eta nagusientzat eta osasun gunearentzat hirugarren bat.
- Irisgarritasuna: aldapak eta igogailuak jarri bere kaleetan. plan estrategikoan, San Juan auzoak lehentasuna izan behar du, bere egoera dela eta.
- Seranteserako sarbide zuzena: lehengo bilgunerainoko bidea aprobetxatu eta inguruan parke bat sortu.
- Behin betiko konponbidea kaleen egoerari, behin eta berriro altxatu behar izaten baitira konpontzeko, bide zuloak direla eta.

MAHASTIAK – BULLON

- Azpiestazio elektrikoa lekuz aldatzea eta bertan aisirako zonaldea martxan jartzea.
- Makroproiektuari ez: auzoaren azterketa, rehabilitazioa, azpietxebizitza baino ez eraitsi eta aurreikusitako itxierak kaltetutako pertsonen berkoakapena.
- Espaloirik gabeko guneak: Hospital bajo aldatsa...
- Serantes: sarbide garbiak, duinak eta nagusien egoitzaraino ongi seinaleztatuak.
- Kaleen hobekuntza orokorrak: espaloiak, argiztapena, garbitasuna...
- Calasanz inguruko oinezkoen pasabideetan sakanguneak, ikastetxearen sarrera-irteeretan segurtasuna hobetzeko.

MAMARIGA

- La Cerrada parkean lur azpiko aparkamendua.
- Serantes: Sarbide garbiak, duinak eta ongi seinaleztatuak.
- Frontoia eta atxikitutako zonaldearen konponbidea.
- Auzokide nagusien aisialdirako gunea sortu.
- Haur-eskola (0-3) berria sortzea, Regalesen.

ETXEBIZITZA

Dirulaguntza politika rehabilitazioetarako, bai osokoak bai eraikin zaharretako irisgarritasunari dagozkionak.

Santurtzi etxegabetzerik gabeko herria: kaltetuentzako lege, politika eta gizarte babesa, eta bitartekaritza zerbitzua.

Alokairu sozialaren aldeko apostu argia:

- Udal etxebizitzaren erabilera zehaztuko duen arautegi justu eta eraginkorra sortu, etxebizitza kopuru zehatz bat gazteei eta etxebizitzaz jabetzeko arazo zehatzak dituzten beste talde batzuei egokitu eta maiztasunez baldintzak betetzen diren konporibatu.
- Etxebizitza hutsen errolda sortu eta bere etxebizitza hutsa alokairu sozialean ematen dutenentzat laguntza\subentzioak udal zerga eta tasetan dituen politika fiskala.
- Eraikuntza berriak: uste dugu Santurtzian etxebizitza gehiagorik ez dugula behar, baina HAPOn aurreikusten direnetan, Udalari egokitu behar zaio legez dagokion %15, etxebizitza bihurtuta eta udalak alokairu sozialean eman.
- Alokairu sozialerako udal etxebizitzak lortzen joateko konpromisoa, urtez urte, horretarako behar den aurrekontu saila eginez.

IRISGARRITASUNA, MUGIKORTASUNA ETA GARRAIOA

“Santurtzi Accesible 2019-2025” Plan estrategikoa

- Alderdien, taldeen eta auzo-elkarteen arteko lan mahaia osatu. Gune ez irisgarrien lehentasunak zehaztu eta hauen konponiderako egutegia zehaztearen konpromisoa, horretarako urtero aurrekontu-saila egokituz. Mahai honek lanen jarraipena (auditoria) egingo luke, aurretik, bitartean eta hauek bukatutakoan.
- Traba arkitektonikoak kentzeko eta igogailuak jartzeko diru-laguntzak eman auzo-elkarteei eta erabilera publikoko guneei.
- Gune irristakorren arazoak konpontzeko plan berezia.

- Hiri-autobusa: San Juan auzoa- zaharren egoitza. Autobus honek SAN JUAN-MAMARIGA-GERNIKA PARKEA-KABIEZES ANBULATORIOA-KUETO-ZAHARREN EGOITZA ibilbidea egingo luke.
- Mugikortasun lehentasunak ezarri: oinezkoa, lehena!
- Barne eta kanpoko mugikortasun plana. Zierbenarainoko bidegorria eta Ezker Aldeko eta Arena hondartzaren bidegorriaren loturaren proposamenaz gain (biak martxan), udalerrian zehar sakabanatutako bizikletentzako aparkalekuak.
- Disuasio-aparkalekua Kabiezesen, Metroaren erbiltzaileentzat. EHBilduren proposamena Udalak eta Metrok onartua izan zen, beraz, lehenbailehen indarrean jartzea eskatu behar dugu.

INGURUMENA

Gure ingurugiro naturalarekiko errespetua bermatzeko neurri zehatzak: Balpardako Ballonti erreka edo Serantesen magalean sakabanatutako zabortegei ilegalak bezalako adibideak ezin dira errepikatu.

Etxe-Uli hondakindegian lurperatutako lindano tona guztiak garbitzeak lehentasuna izan behar du. Fibrozementu (uralita) hondakinak dituzten guneak antzemateko eta garbitzeko plana indarrean jartzea.

Kontuan hartzeko beste gai bat Portura iritsi eta pasatzen den material kantitatea da, haietariko asko aire zabalean gordetzen direlarik. Udalak Portuan gertatzen den guztiarekin duen onargarritasunari amaiera eman behar zaio, presio soziala eta politikoa eginez, Portuak gure herriarekiko duen zor historiokoa ordain dezan.

BERDEGUNEAK

Gaur eguneko berdeguneak topagune eroso bihurtzeko behar diren hobekuntzak: azpiegiturak, altzariak, gerizpe guneak eta garbitasuna. Erabilgarritasunaren aldeko apostua, ez daitezela apaingarri hutsak izan.

SERANTES

Serantes Mendirako Plan Berezia:

Serantes mendia gure naturgunerik garrantzitsuena da, eta, beraz, neurriak abiarazi behar ditugu bere babeserako. Biodibertsitateko eta aisialdiko leku bat da, eta, hortaz, garapen sozioekonomikorako espazioa izan behar du, aukera handiak dituelako.

Mendia bultzatu behar da, bisitaldi gidatuen programak indartuz, eta garrantzitsutzat jo bere faunaren eta floraren balioa eta gotorlekuaren historia jakinaraziz.

Ezinbestekoa da gotorlekuaren "lan bukatugabea" konpontzea. Inguruko hesia kentzea eta espazio hori jendearen gozamenerako itzultzea.

Espazioa ordenatzea eta hura arautzea beharrezkoa da:

Erabilerak mugatzea, babesteko eta birlandatzeko espazioak definitzea.

Gaurko arazoak txikiagotzea edo desagerraraztea:

Isurketak

Lur publikoen okupazioa

Lursailen jabeak edo haien bizilekua ez ezagutzea

Errenta eta alokairuak ez ordaintzea

Udal-utzikeria

Txabolismoa

Abere askeak

Bandalismoa

HONDAKINAK

Kutsatzea ez da eskubide bat, eta etorkizunerako gure helburuak ZERO ZABORRA izan behar du, birziklatzeen ehunekoak (Europatik % 60ren helburua planteatzen zen 2016rako) handitzeko beharrezko pausoak lehenbailehen emanaz. Hartarako, hainbat kontzientziazio- eta praktika-dinamika abiaraztea beharrezkotzat jotzen dugu:

- Edukiontzia marroiaren sistema abiaraztea (martxan dagoeneko).
 - Edukiontzia marroiaren erabiltzaileek zabor-tasa txikiagoa ordaintzea.
- Txandakako garbigune mugikorra auzoetatik.
- Herriko eskoletan zehar kanpainak.
- Trukerako guneak Garbigunean edo beste zentro batzuetan.

Horretaz gain, beharrezko ikusten dugu pausoak ematea zabor-bilketaren zerbitzua berriro ere publikoa izan dadin, zuzenean Udalak eta udal-langileek kudeatuz, gastuak txikiagotzeaz gain,

kalitateko enplegua sortzen delako. Beste kontu askoren artean, uste dugu bilketa-kamioiek elektrikoak izan behar dutela, zarata eta kutsadura txikiagotzeko.

ENERGIA

Gaur posiblea da enpresa energetiko handietatik deskonektatzea eta energia berriztagarrien aldeko apustu egitea. Proposamena hauxe da: dauden neurri guztiak aztertzea udalak eta herriak kontsumitzen duen energia oro energia berriztagarria sortzen eta kontsumitzen duten eragileei kontratatzeko. Gainera, proposatzen da santurtziarren artean eragile hauen gaineko kontzientziazio-kanpainak abiaraztea.

EKONOMIA

AURREKONTU PARTE-HARTZAILEAK

Aurrekontuak urte guztiaren konturik garrantzitsuena dira, eta zentzu horretan uste dugu inbertsioen % 100a nora doan era parte-hartzaile batean eztabaidatu behar dela. Horretarako, beharrezkoa da eztabaida-guneak abiaraztea, bai gaiaren araberakoak, bai auzoen araberakoak.

GUTXIAGO DUENAK GUTXIAGO ORDAIN DEZALA: MAILAKAKO ZERGA-POLITIKA Gutxiago duenak gutxiago ordain dezala. Dagoeneko indarrean dagoen OHZren ordainketan bezala, beste zerga eta udal-tasetan ere mailakako laguntza ematea, familiaren egoera eta diru-sarrerak kontuan hartuz.

GASTUEN BANAKETA

- Alkatearen eta liberatutako soldatak nabarmen murriztea, baita oposizioko zinegotzien dietak ere.
- Konfiantza-karguak gutxienengora murriztea eta horien soldatak ere bai.
- Privatizazioari ez: privatizazioekin bukatzeko, kalitatezko zerbitzu publiko sendo batzuen aldeko apustu egiteaz gain, beharrezkoa da privatizatu diren zerbitzuak berriro ere Udalak zuzenean kudeatzea udal-langileekin. Gastuak txikiagotzeaz gain, kalitateko enplegua sortzen da.

EKONOMIA SOZIAL ETA SOLIDARIOA

Modelo ekonomiko berria behar dugu, zeinetan pertsona bezala eta herri bezala ditugun beharrak lehentasuna izan behar duten, enpresa handien beharren aurretik. Horretarako, planteatzen dugu ekonomia sozial eta solidarioaren aldeko apustu garbia egitea, baita Udalean ere, kooperatibismoaren edo banku etikoen aldeko pausuak emanez, besteak beste.

ENPLEGUA

UDAL LAN-POLTSA

Santurtziko pertsona langabetuentzako lan-poltsa bat sortu behar da, Udalaren zuzeneko eta zeharkako beharrak estaltzeko, baita herriko enpresen artean, Portuan eta zonalde guztian ere.

Udaleko pertsona langabetuak zuzenean kontratatzea (poltsa horren bidez) lan publikoetarako eta udaleko beste zerbitzu batzuetarako, baita Udalak azpikontrataturako enpresetan ere.

KONTRATU PUBLIKOETARAKO PERTSONA LANGABETUEN KONTRATAZIOA

Klausula sozialen bidez, azpikontrataturako enpresek behar batzuk dituzte: pertsona langabetuak kontratatzea, lan baldintza duinak bermatzea, gizonen eta emakumeen arteko berdintasuna bultzatzea, baita hainbat ingurumen-irizpide ziurtatzea ere.

UDAL ENPRESEN MINTEGIA

El Árbol Poligonoko udal pabiloi industrialean enpresa mintegi baten sorrera. Ekimen hau jadanik martxan dago Aldundiarekin sinatu den hitzarmen bati esker, baina egun enpresa bakarra ezarrita dago. Hitzarmena berrikustea beharrezkoa da.

MERKATARITZA

Herriko merkataritza eta ostalaritza funtsezko sektorea dira gure herrirako; enplegua sortzen du, herria egituratzen du, eta herriari eta auzoei bizitza ematen die. Beraz, sektorearekin erabateko elkarlana funtsezkoa da.

- Birgaitzerako, profesionaltasunaren hobekuntzarako eta denden modernizaziorako diru-laguntzen plan estrategikoa.
- Urtean zehar herriko merkataritzaren aldeko kanpainak indartzea, bereziki data seinalatuenetan, kulturako, kiroletako eta aisialdiko dinamikak indartuz, herrian kontsumitzaia sustatzeko.
- Ahal den neurrian, merkataritza-gune handiak saihestea. Proposatzen dugu horretarako lur publikoak ez uztea, ezta birkalifikatzea ere.
- Neurri zehatz moduan, esate baterako, Udalak antolatzen dituen sari-banaketa guztietan, dirua eskutan eman ordez, herriko saltokietan erosteko txartelak ematea.
- Saltoki mota bakoitza abiarazteko zein zonalde izan daitekeen egokiena aztertuko duen diagnostikoa egitea. Horrekin batera, lokal hutsen zerrenda egitea.
- Saltokien arteko elkarlanerako planak egitea eta garatzea (gastuak, azpiegiturak, deskontuak, eta sareak partekatzea...). Kasu honetan, Udalaren papera izango litzateke sistema eraginkorrek antolatzea, elkarlan-sare hauek eraginkorrek izan daitezen. Horretarako, erreminta informatikoak edo bestelakoak ezarri behar dira, esaterako, gauza zehatz batean interesatuta dagoen merkataria beste merkataria batzuen berri jakin ahal izango du, gastuak, lana edota beste kontu batzuk partekatzeko. Adibideak:
 - Gordailuak eta fidantzak: zenbait banatzailek eta hornitzailek eskatzen dituzte, eta gastu hau parteka liteke interesa duten bi saltoki edo gehiago harremanetan jartzen badira.
 - Hainbat saltokiren artean biltegiak partekatzea.
 - Handizkako erosketak: eskaerak egiteko hainbat saltoki elkartzeari, deskontu handiagoak bilatzeko.
 - Saltokien arteko deskontu-txartelak: saltoki batean zerbait erostearen truke, beste batean erosteko deskontu-txartela.
 - Publizitatea: poltsak, diptikoak, kartelak, publizitatea gutunontzietan... Mota honetako ekintzetan gastuak hainbat saltokiren artean partekatzea, merkeagoa izan dadin.
 - Saltokiak elkartzeari etxetik etxeko banaketa egin ahal izateko.

POLITIKA SOZIALAK

Uste dugu gizarte-zerbitzuek zutabe izan behar dutela gure gizartean, eta eskubide unibertsal eta subjektibo bezala egituratu behar direla. Erantzukizun publiko zuzeneko modelo hurbil bat sortu behar dugu, pertsona ororen giza-eskubide guztiei estaldura emanaz, salbuespenik gabe. Parekotasun-printzipioetara eta justizia sozialera egokitzen den modeloa, ondasunak giza

politiketan birbanatuz. Santurtzi modelo sozial guztiz inklusiboa duen herria izateko lan egin nahi dugu, inor baztertuta ez den tokia eta biztanle guztien eskubideak bermatuak diren tokia izanik. Herri bat zeinean abiapuntua ez dira "laguntzak", pertsonen eskubideak eta beharrak baizik.

POLITIKA SOZIALAK

- GLA: Giza Larrialdietako Laguntzak: Eskubide subjektiboa dela uste dugu eta, beraz, ezin zaio inori ukatu diru faltagatik. Indartzea.
- Laguntza sozialen kudeaketa eta kontrola udalaren ardura izan behar du. Pertsonen eta beren errealitatez hitz egiten dugu eta, hortaz, Santurtzin bizi diren pertsonengandik hurbil egotea ezinbestekoa da. Beren lehen eskuko errealitatea ezagutzeak hurbiltasun hori ahalbidetzen du, eta, beraz, esku-hartze errealagoa egin ahal izatea, gaurko espediente-zenbaki sistematik urrun.
- Laguntzei buruz, horiek eskatzeko epeei buruz, kopuruei buruz, baldintzei buruz, etab. informatzeko kanpainak.
- Bizilagunen erroldatzea ziurtatzea, oinarrizko eskubideak eskuratu ahal izateko.
- Benetako jantoki soziala eskaintzea baztertze-egoera larrian dauden pertsonen.
- Etxerik gabeko pertsonentzako aterpetxe bat sortzea, Ezkerraldeko gainerako udalekin elkarlanean.
- Baztertze zorrotzeko taldeekin kalean esku-hartzeko baliabideak eskaintzea, baita auzoetako gazteentzako prebentzio-neurriak ere.
- Herrian dutxa-, kontsigna- eta ikuztegi-zerbitzua ezartzea, eskualdeko aterpearen osagarri gisa
- Gizarte Ekintza sailak Gizarte Larrialdietarako Laguntzen kudeatzaile soila baino gehiago izan beharko luke. Beharrezkoa da gizarte-hezkuntza arloan esparru horretako profesionalen osatutako talde bat egotea esku-hartzeko prest: hezitzaileak, integratzaileak eta gizarte langileak.
- Gainerako sailetan bezala, sail honetan ere pribatizatu diren zerbitzuen kudeaketa publikoa berreskuratzea (etxez etxeko laguntza, Egoitzako zerbitzuak...), kalitatezko enplegu publiko sortzeaz gain, kostuak aurreztu egiten dira eta.

KULTURA ETA JATORRIA. ANIZTASUNA

- Aniztasun-gune iraunkorrak sortzea udalerriko interesatu edota eragileen artean, eta parte-hartze publikoa sustatzea.
- Elkar ezagutzeko programak (hitzaldiak, jardunaldiak, Bilbon egiten den “Munduko arrozak” ekimenaren estiloko ekintzak, planifikazioak ikastetxeekin lankidetzan), jatorri desberdinetako herritarren parte-hartzea sustatuz.
- Migranteek herriko ekimenetan parte-hartzea sustatzea: jaietan, auzolanetan, ekimen kolektiboetan, gazte-taldeetan... gure herriaren parte dira eta.

ANIZTASUN FUNTZIONALA

- Hemendik 5 urtera Santurtzi inongo oztopo arkitektonikorik gabeko herria izango dela bermatzea (Santurtzi Irisgarria Plan Estrategikoa 2019-2025).
- Adin txikikoentzako aisialdi irisgarri eta integrala bermatzea (elementu egokituak parkeetan, txinboak, kirol-guneak...)
- Hezkuntza-egitasmo guztiak gauzatzeko behar beste giza-baliabide eta baliabide material egongo direla bermatzea, zertarako-eta antolatutako jarduera guztietan aniztasun funtzionala duten herritarrek parte-hartu eta horien jarraipena egiteko aukera izango dutela ziurtatzeko.
- Herri-administrazioek egiten duten zabalpen-lan guztia irisgarria dela bermatzea, bai edukia eta bai zabalpena egiteko erabiliko den euskarria (azpitolazioa, zeinuen hizkuntzan ematea, audio-deskribapena...).

ANIZTASUN SEXUALA

Sexualitate-modu “normal” bakar bat ez dagoela ulertuta, hau da, gizaki gisa bizi eta garatzeko modu bakarra, berdintasunaren alde lan egiteko konpromisoa hartzen dugu. Udaletik gure alea jarriko dugu oraindik dauden oztopoak gainditu eta bai berdintasun osoa eta bai sexualitatea eta harremanak kulturalki ezarritako arauetatik kanpo bizitzeko eskubidea lortzeko, gizaki eredu bakarra izatea inposatzen digun sistema atzean utziz.

Horretarako, homosexualak eta transexualak babesteko neurriak jarriko ditugu abian; eta bereziki adin txikikoei erreparatuko diegu, nola-eta informazio- zein hezkuntza-kanpainak eta orientazio

sexualak eragindako bazterketaren aurkako planak aktibatuz. Horrez gain, lan- eta gizarte-inklusioa sustatzeko ekimenak ere jorratuko ditugu.

HEZKUNTZA

Hezkuntza herritar guztiok dugun eskubide indibidual eta kolektiboa ez ezik, arlo ezin garrantzitsuagoa da gure herriaren garapen eta etorkizunerako. Horregatik, uste dugu gizartean eta administrazioetan funtsezko tokia izan behar duela eta lehentasuna eman behar zaiola hezkuntza sistema propioa, kalitatezkoa, parekidea eta euskalduna lortuko bada.

Gaur egungo egoera ikusita, ezinbestekoa da helburu zehatzak ardaztea eta hurrengo urteotan eurok jorratzen jarraitzea.

HEZKUNTZA SISTEMA PROPIOA

Inposizioei aurre egin eta Euskal Herrian hezkuntza sistema propioa izatearen aldeko apustua egingo dugu, tartean diren eragile guztiek adostutakoa, non euskal kurrikulumak lehentasuna izango duen. Gurea eta urrunagokoena irakatsiko duen hezkuntza bultzatuko dugu, ikasle guztiak eleanitzak izango direla eta parte-hartze demokratikoa izango duela bermatzen duen hezkuntza, zentzoei autonomia emanaz nork bere herriaren edo auzoaren errealitatearen arabera joka dezan.

Horrez gain, uste dugu Santurtzik bere kurrikulum propio eta espezifiko behar duela izan, gure seme-alabek ikas dezaten, baina betiere Santurtziren iragana, ohiturak eta bizimoduak ezagutuz, Kultura sailarekin eta planteatzen dugun Santurtziko Memoria Historikoaren institutuarekin lankidetzan egina.

ESKOLA MAPA

Gutziz beharrezkoa da gure herriaren errealitatea islatuko duen eskola-mapa berria izatea, herritarren beharrak aldatu egiten baitira auzoek aurrera egiten duten heinean. Ezinbestekoa da eskola-mapa eguneratua eta ikasleei eta familiei egokitua izatea. Santurtzin ez dago eskaerari erantzuteko moduko hezkuntza-eskaintzarik, Mamariga edo Serantes eskoletan ez dago plaza nahikorik, Emilia Zuza eskolara heltzeko arazoak daude...

Gure ustez, prozesu parte-hartzailea jarri behar da abian, eta hezkuntza-komunitateko eragile guztiek parte hartu gaur egungo Santurtziri egokitutako eskola-mapa bat egiteko. Horretarako zera proposatzen dugu, Udalak hezkuntza komunitatearen esku behar diren baliabideak, azpiegiturak eta dirua jartzea prozesu parte-hartzaile bat abian jar dadin, eta prozesu horretan erabakitzen dena betetzeko konpromisoa hartzea.

MATRIKULAZIOA

Matrikulazio bulego bakarra sortuko dugu, ikasleen aniztasuna zentro guztietan berdintasunez banatu dadin, segregazioa saihestuz eta hezkuntza arloan egoki jokatuz.

ZERBITZUAK ETA AZPIEGITURAK

Eskola guztietan behar bezalako ekipamendua izango duten eraikin eta jantokien mantenu zuzena egingo da: egoera aztertu, lehentasunak ezarri...

Eskolatik bertatik kudeatutako jantokiak behar dira, elikadura-burujabetzara bideratutako baliabideak eskainiko dituztenak.

Irisgarritasun-planak, oztopo arkitektonikoak eta larrialdi-planak aztertuko ditugu.

Oraindik estalkirik ez duten eskoletako jolastokiak estaliko ditugu.

Copyrightik gabeko eskola digitala sustatu nahi dugu, bai eta herriko eskola publiko guztien arteko harremana ere Berritzegunearen bidez, gure gertuko errealitateari begirako esperientziak eta material didaktikoa partekatze aldera, liburu tradizionalaren eta argitaletxeen monopolioaren alternatiba gisa.

Zentroen instalazioa herriko taldeen esku jarriko dira jarduketa-protokolo baten bitartez, bai eta eskola guztietako jolastokiak zabaldu ere tarte ez lektiboetan.

Azpiegituretan dauden beharrei epe laburrean erantzun eman ez ezik, Santurtziko hezkuntza-mahaian planifikazioa ere adostu egingo da eskola-mapa hobetze aldera.

ESKOLAZ KANPOKO EKINTZAK

Udalak ikasleei begira antolatzen dituen jarduera guztiak euskaraz direla ziurtatu nahi dugu: musika, dantza, antzerkia, teknologia berriak, kirola, jarduera ludikoak (jaiak, udalekuak...)...

Elkarteak babestu eta zentroekin batera lan egingo dugu.

Udal azpiegiturak partekatuko dira: kulturakoak, kirolekoak...

Kirol- zein kultura-jardueren plan integrala sortuko dugu eskola publiko eta guraso-elkarteekin lankidetzan, Udaletik kontratazioen kudeaketa eta gazteentzako autodefentsa, hezkidetzeta eta aniztasun sexuala lantzeko programak eskainiz.

Jarduerak Euskal Herriko kultura landuko dutela eta euskaraz izango direla bermatuko da.

Bereziki jarduera eta kirol gutxituak sustatuko dira, bai eta gure tradizio eta kulturarekin lotutakoak ere.

Jarduerak inklusiboak izango dira.

Jarduerak ez dira sexistak izango.

Bizimodu eta ohitura osasungarriak sustatzetik komunitate bat eratzerako bidea jorratuko dugu.

Zentro publiko guztietan euskarazko jolas eta jarduera programak bultzatuko dira bazkal-orduetan, doan. (Bereziki zainduko da ez dela jolastokien erabilera sexistarik egongo).

HAUR ESKOLAK (0-3 URTE)

Beharrezko deritzogu zentro berriak zabaltzeari, auzoen eskariari erantzun emango zaiola bermatzeko. Duela 9 urte Haur Eskolak Elkargo publikoa 0 eta 3 urteko arteko umeentzako udal-eskolak kudeatzen hasi zen. Ordutik, Santurtziko eskaintza Kabiezeseko Emilia Zuza eta erdi-guneko Mirabueno zentroetara mugatu da, plaza izateko aukera murriztuz eta gero eta jendetsuagoak diren auzoak zerbitzurik gabe utziz.

Horregatik, gure proposamena erdi-gunean haur eskola berria sortzea da “La Portalada” izenaz ezagutzen den inguruan, guneko indartuz eta garrantzia emanez. Gainera, gure ustez, Mamariga Donibne-CLH inguruan beste haur-eskola bat jarri beharko litzateke martxan, Regalesen hezkuntza-erabilerarako erreserbatuta dagoen lursailean eraiki litekeena.

Gainera, EHBildu ez dator bat Eusko Jaurlaritzak gaur egun ezarritako dituen hileko kuotekin, izugarri garesti deritze eta. Nahiz eta EHBildu Legebiltzarrean doako zerbitzuaren alde lanean ari den, geu ere bitartean lanean ari gara Udala inplikatu dadin eta behin-behineko neurriak ezar ditzan adin-tarte horretarako hezkuntza eskatzen duten familia guztiek seme-alabak eskoletara eramateko aukera izan dezaten, nola-eta diru-laguntza sistema bat ezarriz familia bakoitzaren diru-sarrerara ekonomikoaren arabera, eskolaratze gastuak ez ezik, eskola jantokiaren zerbitzuak sortutakoak ere ordain daitezten, uste dugulako Udalak

zuzenean kudeatutako zerbitzua izan behar duela, langileak zuzenean kontratatuz, inongo azpikontrataziorik egin gabe.

UMEENTZAKO AISIALDI-LEKUAK OPORRALDI GUZTIETAN

Lan eta familiaren kontziliazioa errazte aldera, umeentzako aisialdi-lekuak sortzea proposatzen dugu eskola-oporraldi guztietan (udan eta Aste Santuan egiten direnen estilokoak), Gabonetako oporretan gurasoek seme-alabak zaintzeko gorriak ikusten baitituzte, lan-ordutegia dela eta.

HEZKUNTZA KOMUNITATEA

Familiek zentroen funtzionamenduan parte-hartze demokratiko eta aktiboa izatea sustatu nahi dugu, inplikazioa eta irakasle eta zuzendaritza taldeekiko lankidetzak bultzatuz zentroaren plangintza egitean. Horrez gain, balioei eta orokorrean kurrikulum eta hezkuntzari ez ezik, inguruarekiko harremanari (auzoa eta kultura- eta kirol-elkarte) eta eskolaz kanpoko ekintzen plan integralari ere arreta berezia jarri behar zaiela uste dugu.

Gurasoak euskalduntzeko planifikazio (programak) eta laguntzak eskainiko ditugu, hizkuntza eta kultura kontzientzia garatzeko transmisore gisa. Familian jarduerak euskaraz egitea sustatuko duten programak indartu nahi ditugu: guraso eta seme-alaben artean, guraso-lagun...

Bigarren Hezkuntzako ikasleak izate aktibotzat hartuko dira, udalaren egitasmoetan euren parte-hartzea sustatuz.

Ikasle-taldeekin harremana izan nahi dugu, bai eta baliabideak eskaini ere zentroaren, auzoaren eta udalaren egitasmoetan euren jarduerak gauzatu ditzaten.

EUSKARA

Herri mugimenduaren gunea sortzeko proposatzen dugu, elkarte eta eragile euskaltzaleek azterketak, plangintzak eta beharrak amankomunean jarri eta elkarlanerako esparrua, hain zuzen.

FAMILIA TRANSMISIOA

- Familiak euskararen transmisioa duen garrantziaz jabetuta, berauen euskalduntzea errazteko estrategiak garatu.
 - Jaio berria duten familiei zuzendutako kanpaina (dakitenek humeen ama hizkuntza euskara izateko)
 - Familiek elkarrekin parte hartzeko ekitaldi euskaldunak lehenetsi, euskara zein gainerako sailetik. GURASO LAGUN dinamika BERBALAGUN dinamikaren barruan bultzatu.
 - Berezko arnagunea sortu herrian, horretarako adibidez UMEENTZAKO IKASTARROAK euskaraz soilik funtzionatzea.

HELDUEN ALFABETATZEA

DOAKOTASUNERANZKO URRATSAK

- Udalak matrikularako dirua aurreratuko du
 - Baldintzak betetzen ez duenari zuzenean erretiratuko dio emandakoa bere kontutik.
 - Horretarako ezarritako diru poltsa gainditzen badu eskariak, banaketa ponderatua egingo da.
- Ahozkotasuna eta komunikazio gaitasuna sakontzeko programak ezarriko/indartuko dira (BERBALAGUN DINAMIKA)

SENTSIBILIZAZIOA-MOTIBAZIOA

- Gazteen berezko dituzten esparruetan erabilera bultzatzeko ekintza pizgarriak antolatu.
- Euskaldun izatearen kontzientzia, euskaraz bizitzeko nahia eta gogoia elikatu, sensibilizazio ekintzen bitartez.
- Euskaraz bizi diren eta bizi nahi dutenenganako erdaldunen enpatia eragiteko sensibilizazio ekintzak egin.

ADMINISTRAZIOA

- Administrazioan lan egingo duten enpresek hizkuntzarekiko araudiak bete beharko dituzte eta jarraipen zorrotza egingo zaie.
- Administrazioak zerbitzu guztiak euskaraz emateko bideak jarri.
- Euskara sail bereiztua sortu.
- Euskara hutsez jardun nahi duten herritarren datu basea osatu edo txertatu irizpide hori udal datu bastean.

- Udalean lege garapenak egin arduradun politiko gorenek hizkuntza oficial biak menpera ditzaten bermatzeko.
- Koordinazioa, elkarlana eta osagarritasuna bilatu/bultzatu euskararen gizarte erakundeekin.
- Administrazioako langileak eguneroko lanean euskaraz egiteko eta euskaraz egin dadin eragiteko trebatuko dira.

AISIA-KIROLA

- Aisialdia eta kirola euskalduntzea bultzatuko dugu, horretarako entrenatzaileei eta begiraleei zuzendutako formazio ikastaroak bultzatuko ditugu.
- Arlo hau landuko da bereziki gazteen erabilera ez formaleko gaitasuna indartzeko.
- Gazteriarri zuzendutako ekintza eskeintza osoa euskaraz izatea bermatuko da.

LAN MUNDUA

- Kontrataziorako hizkuntza irizpideak kontratu guztietan ezartzeaz gain, betetzen diren bermatzeko protokoloak landu eta ezarri.
- Zerbitzu publikoak emango duten enpresek administrazioaren maila berean bermatuko dituzte herritarren hizkuntza eskubideak.

INFORMAZIO ETA KOMUNIKAZIO TRESNAK

- Udaletxeak erabiltzen dituen sare sozialak, web orriak etab euskaraz erabiltzea lehenetsiko da, eta .eus domeinua eskuratzeko apostua egingo du.

KULTURA

- Bere ohiturak, sustraiak eta historia ukaturik dauzkan herririk bada, Euskal Herria da. Hori dela eta, premiazkoa da Santurtzin euskal kultura bultzatzea.
- Azken urteetan nazio eta giza eraikuntzan aurrera egin duen herririk bada, Euskal herria da.

- Datozen 4 urteetan babestu eta garatu beharreko kulturarik bada, geure kultura da. Horretarako, zenbait dinamika jarriko ditugu martxan Santurtzin elkarrekin bizi diren beste kulturak ezagutzeko eta elkar laguntzeko.
- Egiteko modurik bada, herritar eta eragileekin elkarlanean arituz izango da.
- Horretarako, udal baliabideak haien esku jarriko ditugu, kultura ez delako gastua, zerbitzu publikoa baizik. Eta noski, inolako bazterketarik lagundu eta bultzatu gabe, ez emakumeen kontra, ez beste kultura eta erlijioen kontra, ezta ingurumenaren eta animalien kontra ere.

Hortaz, honako hau proposatzen dugu:

- Eragile sozialei laguntza, babesa eta elkarlana eskainiko diegu, baina euren autonomia errespetatuz.
- Santurtziko kultur ondarea berreskuratzearen aldeko apustu garbia. Serantes mendia behin betiko errekueratuz eta herriko bestelako eraikin eta lekuak ere errekueratuz.
- Auzoetako jaiak eta izaera herrikoia bultzatu Udala horretan inplikatur.
- Oroimen historikoa aitortu eta berreskuratu **(Priorizando la recuperación del Serantes?????)** ikur frankistak desagertarazi eta bertoko ohitura, usadio eta eraikinak berreskuratu.
- Herriko Oroimen Historikoaren Institutua sortuko dugu, Santurtziko oroimen historikoa ikertu, aitortu eta berreskuratuko duena, bai frankismoaren biktimena baita frankismoaren aurkako borrokalariena ere.
- San Jorge eta Karmen jaiak bultzatu antolatzeko irizpiede barriak ezarriz. Herrian diharduten eragile ezberdinak kontuan hartuko ditugu benetako jai herrikoia antolatzeko.
- Urteroko Kultur Egutegia sortuko dugu, eragile eta herriatarrez osatutako lantaldeak kudeatu eta sortuko du Santurtziko eragile ezberdinek antolatzen dituzten ekintzak bultzatzeko asmoz.

POLÍTICA FEMINISTA

Udalak antolatu edo bultzatutako ekimen guztietan emakumea izan behar da ardatz, eta, noski, sexu banaketa bultzatzen duten jarrerek ez dute lekurik izango ekimen horietan. Ezinbestekoa da behingoz Udaleko Berdintasun teknikaria lanpostua betetzea.

- Autodefentsa feminista: Sexu erasoak identifikatu eta horiei erantzuteko gaitasunaz kontzientziatzeko eta formakuntza izateko programak.
- Ahalduntzea: Programas de formación para ser conscientes y concienciar sobre el propio poder que tenemos las mujeres, así como apoyo y puesta en marcha de actividades para llevar ese empoderamiento a la práctica.

- Urbanismo de género y puntos inseguros para las mujeres en el pueblo: Transformación de las políticas públicas. Es necesario detectar y solucionar, también desde el urbanismo, todos los puntos inseguros que existen en el pueblo.
- Protocolo contra la violencia sexista: Protocolo diseñado de forma participativa, evitando la hegemonía del Ayuntamiento y fomentando la participación de las propias mujeres del pueblo, que son las que sufren en primera persona esta violencia.
- Implementar la coeducación en todos los sectores de la sociedad santurtziarra.
- Potenciar el feminismo en los espacios privados mediante iniciativa municipal (bares, comercios y otro tipo de establecimientos/espacios)

ESPAZIOAK

- Santurtziko emakumeen benetako beharren azterketa egin modu partehartzailean.
- Emakumeen etxea sortu
 - Izaera: Emakumeentzako kulturarteko eta belaunaldiarteko gunea.
 - Gunearen funtzioa: Hainbat ekimen eta ekintza garatzeko tresnak sortu.
 - Helburuak: Santurtziar gizartearen aldaketa feminista bultzatzea eta emakumeen eragile-sarea bultzatzea.
- Denbora Bankua sartu
 - Izaera: Kulturarteko eta belaunaldiarteko bankua
 - Función: Pertsonen arteko ezaguerak eta gaitasunak trukatzeko. Hacer intercambio de diferentes habilidades y conocimientos entre personas. Zaintzen esparrua oinarritzeko izan daiteke denbora banku honetan.
 - Helburua: Elkartasuna eta gizaharremanak bultzatuko dituen filosofia sortu kapitalaren gainetik.

SOZIO-EKONOMÍA

- Enplegu publikoa sortu:
 - Zaintzen feminizazioarekin bukatu, beti emakumeen esku daude eta ordainsaririk gabe.
- Kontratazio publiko guztietan berdintasun klausulak ezarri.

- Herriko emakumeen benetako beharrak ezagutuko duen/duten pertsona(k) , auzo bakoitzeko izaera eta errealitatea kontuan izanda.

Udal politikan partehartze zuzena

- Emakume ikuspegidun aurrekontu partehartzaileak.
- Zeharkakotasuna eta emakumeen ikuspegia izango duten herri politikak eraldatu.

GAZTERIA

Santurtziko gazteok ez gara umemokoak, ez gaituzte eskutik eraman behar, etorkizun bat behar eta nahi dugu, eta gu geu gara eraiki behar dugunok. Eta horretarako, ezinbestekoa da guztion partehartzea. Hamaika dira aurrez aurre aurkitzen ditugun arazoak: gure ikasketak aurrera ateratzeko zailtasunak, lan mundura heltzeko, independizatzeko... Horiek guztiek gure herriko etorkizuna baldintzatuko dute, beraz, konponbideak martxan jarri behar dira jada!

GAZTEGUNE eta entsegu gelak

Gazteontzako gunea sortu: Elkartzeko gunea izango da. Erabilera eta funtzioak herriko gazteok parte hartuz garatuko dugu. Aisialdia, kirola, kultura, jolasak, dinamizazioa...

Era berean, Santurtziko musika taldeentzako entsegu gelak irekitzea eskatzen dugu, portuan proosatzen dugun erabilera anitzeko eraikinean.

ETXEBIZITZA

Alokairu soziala bultzatu eta indartzeko proposamenen artean, politika hauen etxebizitzaren ehuneko jakin bat (%40 baino gutxiago inondik inora) gazteentzat izango dira, bizitza subiranoa bultzatzeko asmoz.

LANA

Etxebizitzaren arazoarekin gertatzen den bezala, lan arloan proosatzen ditugun neurrietako bat honakoa da: sortuko diren lanpostuen ehuneko jakin bat (%40 baino gutxiago inondik inora) gazteei zuzenduta egongo dira, ikasketak bukatutakoan lehen enplegua lortzeari garrantzia emanik.

AUTOGESTIONATUTAKO PROIEKTUAK

Santurtzin bertan, autogestioan oinarritutako eskarmentu izugarria dugu, eta Udaletik ezinbestekoa da elkarlana bultzatzea eta sostengua ematea egitasmo hauei, eren autonomia errespetatuz.

Gainera, bestelako ekimen mixtoak martxan jartzea posible delakoan gaude. Udalak lagundu dezake lokalak, azpiegiturak edo dirusarrerak eskainiz eta gazteek garatu ahal izango dituzte aisialdi, kultura, musika edo kirol ekimenak modu independentean.

GAZTE TXARTELA

27 urte beherako gazteentzako Gazte Txartela sortuko dugu (eta langabetuentzako beste bat ere bai). Honen bidez, kiroldegian, zineman, antzerkian eta herrian antolatutako gainontzeko ikuskizunetan... deskontuak izango dituzte.

GAZTE BOX

Gazteentzako eredu eta laguntzabide izan behar du Gazteboxek, Lan, ikasketa eta giza bizitzan lagunduko duena. Horretarako, enpleguaren, aisialdiaren, kulturaren, kirolaren inguruko informazioek eta genero berdintasuna, drogak, sexualitatea, harremanak landuko duten ekimenek euren lekua izan behar dute bertan. Herriko gazteek partehartuz garatu eta aurrera eraman behar dira Gazteboxeko ekimen guztiak

LIBURUTEGIA ETA IKASKETA GELAK

Bai lokalak eta bai liburutegien ordutegiak asko hobetu behar direla uste dugu. Adibide moduan erdiguneko liburutegia daukagu, Santurtziar askorentzat irisgarria ez dena eskailerengatik.

Honetaz aparte, uste dugu ikasketa gelak jarri behar direla martxan Santurtziko auzo gehienetan, erdiguneko liburutegiaren masifikazioa ekiditzeko eta pertsona guztiei erabilera errazteko. Gainera, ordutegi aproposak ezarri behar dira, batez ere azterketa garaian: goizeko 8etatik gaueko 21:00etara.

Liburutegien altzairuen berrikuntza egin behar da, modernizazioa bultzatzeko eta ergonomia bermatzeko, bai eta espazioak hobetzeko neurriak: argiak, isolamendu akustikoa...

LONJAK ETA KOADRILLAK

Frente al actual modelo que nos lleva a ser cada vez mas individualistas, proponemos poner en marcha medidas y dinamicas participativas que hagan que los y las jovenes participemos de la vida social, cultural y deportiva del pueblo en primera persona. Creemos que experiencias que se han dado en otros municipios, y que han conseguido que cuadrillas y “lonjeros y lonjeras” participen, organicen y disfruten con las fiestas de sus barrios o con otras actividades a nivel municipal, son necesarias en Santurtzi.

ESKOLA PUBLIKOETAKO PATIOAK, HERRIARI IREKIAK

Kirolaren praktika bermatzeko, eskoletako patioak irekita mantendu behar dira eskolaz kanpoko ordutegietan.

PARTE HARTZEA

Egungo sistema politiko honetan den-dena erabakitzen da auzokoei bizkarra emanaz. Hori dela eta, ezinbestekoa da sistema iraultzea eta benetako parte-hartze sistema bat ezartzea non informazioa, gardentasuna eta erabakitze komuna oinarritzkoak diren gizarteko kide guztieak ahalduzkoak.

Horretarako, berehala martxan jartzeko hainbat neurri planteatzen dugu:

- Herritarron parte hartzea arautuko duen Udal Ordenantza herritarron parte-hartze zuzenaren bidez sortzea, honako puntu hauek jasoko dituelari:
 - Udalbatzak arratsaldez egitea eta auzokideak parte-hartzeko aukera izatea. Eta noski, kaltetuak edo interesatuak izan daitezkeen auzokideak ere gonbidatuta izatea.
 - Arlo bakoitzeko Informazio batzordeak: Udalbatzetako planteamendu berbera.
 - Alkate eta zinegotzien aldizkako agerraldi publikoak
 - Elkarte, pertsona eta sektore guztietara informazioa heltzeko bermatuko duen sistema garatzea.
 - “Auzo zinegotzien” figura sortzea. Auzokideentzako erreferentzia nagusia izango litzateke arazoak konpontzeko edo kudeaketak egiteko.
 - Eztabaidatzeko eta informazioa elkartrukatzeko guneak sortzea eta erabakitzeko eskubidea izatea bai auzoko kontuetan baita gainontzeko arloetan ere.

- Udal aurrekontuak benetan parte-hartzaileak izateok Udal Ordenantza berezia martxan jartzea.
- Erabaki beharreko gaien garrantziaren arabera, herritarroi galdetzea (erreferenduma) ezinbesteko izatea.